



Broj: 01-04-102/23-AP-6
Datum: 31.01.2023. godine

Na osnovu člana 2.12. stav (5) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 7. Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21, 73/21, 1/22 – prečišćeni tekst i 13/22) i člana 1. Odluke o objavljivanju Javnog oglasa za imenovanje dva člana Gradske izborne komisije Zavidovići, broj: 01-04-102/23-AP-5 od 31.01.2023. godine, Gradsko vijeće Zavidovići na 10. sjednici održanoj dana 31.01.2023. godine, objavljuje

JAVNI OGLAS za imenovanje dva člana Gradske izborne komisije Zavidovići

I

Objavljuje se Javni oglas za imenovanje dva člana Gradske izborne komisije Zavidovići. Člana Gradske izborne komisije Zavidovići imenuje Gradsko vijeće, uz saglasnost Centralne izborne komisije BiH na period od 7 (sedam) godina, od dana dobijanja saglasnosti Centralne izborne komisije.

Kandidat za člana Gradske izborne komisije moraja ispunjavati slijedeće opće uslove:

1. da je osoba sa pravom glasa,
2. da je osoba sa odgovarajućom stručnom spremom.

II

(1) Pored uslova iz tačke I. ovog oglasa, osoba koja je kandidat za člana Gradske izborne komisije mora ispunjavati slijedeće posebne uslove:

- a) da ima prebivalište na području Grada Zavidovići,
- b) da ima završen fakultet, odnosno VII / 1 stepen stručne spreme ili završen fakultet Bolonjskog sistema studija sa najmanje 180 ETCS i
- c) da posjeduje iskustvo u provođenju izbora.

(2) Pod iskustvom u provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima obuhvaćenim Izbornim zakonom BiH.

III

(1) Sastav Gradske izborne komisije mora biti multietničan, tako da odražava zastupljenost konstitutivnih naroda, uključujući i ostale, u izbornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou.

(2) U sastav Općinske izborne komisije nastojat će se obezbijediti zastupljenost spolova u skladu sa članom 2.14 stav (1) Izbornog zakona BiH.

IV

Član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona BiH, a nemaju smetnji iz člana 2.3. Izbornog zakona BiH.

V

(1) U skladu sa članom 2.3 Izbornog zakona BiH, za člana Gradske izborne komisije ne može biti imenovana osoba:

1. koja se ne može kandidovati u smislu odredbi člana 1.6, 1.7. i 1.7.a) Izbornog zakona BiH;
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
3. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav (4) Izbornog zakona Bosne i Hercegovine,
4. koja je kandidat za izbore za bilo koji nivo vlasti,
5. kojoj je izrečena kazna za radnju koja predstavlja težu povredu Izbornog zakona ili propisa za koju je lično odgovorna, u posljednje četiri godine, računajući od dana pravosnažnosti odluke.

VI

Za član Gradske izborne komisije ne može biti imenovan zastupnik, odnosno punomoćnik političkog subjekta, koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže (član 2.12. stav (7) Izbornog zakona BiH).

VII

Uz svojeručno potpisanu prijavu na Javni oglas, koja sadrži kontakt podatke podnosioca prijave i listu priloženih dokumenata, potrebno je dostaviti sljedeću dokumentaciju:

1. kraću biografiju;
2. ovjerenu kopiju diplome o stečenoj stručnoj spremi kandidata, nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma;
3. dokaz o posjedovanju iskustva kandidata u provođenju izbora, koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;
4. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH (u koliko kandidat posjeduje navedeno).
5. ovjerenu fotokopiju lične karte;
6. dokaz o prebivalištu kandidata (obrazac PBA-3), ne starije od 3 mjeseca, od dana izdavanja od nadležnog organa;
7. svojeručno potpisanu i od nadležnog organa ovjerenu izjavu o nepostojanju smetnji iz tačke V ovog javnog oglasa (člana 2.3. Izbornog zakona BiH) – (Prilog 5 Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini);
8. izjava o nacionalnom izjašnjenju, svojeručno potpisanu i ovjerenu od nadležnog organa, koja obavezno sadrži tekst „sa posljednjeg popisa stanovništva u Bosni i Hercegovini“;

9. svojeručno potpisanu i od nadležnog organa ovjerenu izjavu o nepostojanju smetnji iz tačke VI ovog Javnog oglasa (člana 2.12. stav (7) Izbornog zakona BiH), odnosno da osoba koja je kandidat za člana Gradske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže.

VIII

Ovaj Javni oglas bit će objavljen u dnevnom listu „Oslobođenje“, na web stranici Grada Zavidovići www.zavidovici.ba i oglasnoj ploči Grada Zavidovići.

Dokumenti koji se prilažu uz prijavu moraju biti original ili ovjerene kopije.

Rok za podnošenje prijave je 8 (osam) dana od dana objave u dnevnom listu „Oslobođenje“.

Prijavu na Javni oglas dostaviti preporučeno poštom ili na protokol Grada Zavidovići, u zatvorenoj koverti sa naznakom: „Javni oglas za imenovanje dva člana Gradske izborne komisije Zavidovići - NE OTVARAJ“, na slijedeću adresu: Grad Zavidovići - Konkursna komisija, Ulica Safvet-bega Bašagića, broj 9, 72220 Zavidovići.

Konkursna komisija će obaviti intervju, nakon čega će sačiniti rang-listu sa redoslijedom kandidata prema uspjehu (ukupnom broju bodova) i istu dostaviti Gradskom vijeću.

Lista pitanja za intervju sa kandidatima bez odgovora na pitanja, objavljena je na internet stranici Centralne izborne komisije BiH.

Kandidati koji pristupe intervju, dužni su komisiji dati na uvid važeći identifikacioni dokument.

Nepotpune i neblagovremene prijave neće se uzimati u razmatranje.

**PREDSJEDAVAJUĆI
GRADSKOG VIJEĆA**
(po ovlaštenju Gradskog vijeća)

broj: 01-04-3088/22-AP-6 od 29.12.2022. godine

Šemsudin Skejić, dipl. ing. maš.